

U. M. 31 MARI 1972 *Dr. Mahathir*

KUALA LUMPUR 30 Mach — Kemasokan kembali Dr. Mahathir ka-dalam UMNO telah di-di-alu2kan oleh UMNO United Kingdom.

Setiausaha-nya, Syed Jaffar Alsagoff dalam surat-nya kepada Utusan Malaysia berkata, kemasokan Dr. Mahathir itu memberi kembali sumbangan tenaga-nya terhadap politik yang memerlukan-nya.

Kata-nya, di-masa2 lalu ahli2 UMNO United Kingdom telah mengkaji peranan yang dapat di-perolehi atas persembahan Dr. Mahathir dalam UMNO dan gelanggang politik Malaysia.

Menurut kajian, kata surat itu Dr. Mahathir perlu menjadi "salah satu tiang dalam pembinaan masyarakat baru kita."

Ini bukan bermakna, meja tidak boleh bertiang tiga, tetapi tiang keempat perlu untuk menahan tenaga ghaib yang akan menimpa meja di-masa depan.

Kata-nya, hingga ka-hari ini tenaga meja di-sandarkan ka-tiang yang besar saja.

"Sa-patut-nya meja itu perlu di-besarkan untuk menahan tenaga yang akan menghempas-nya. Sedangkan tenaga ghaib yang akan datang tidak dapat di-ukor," kata-nya.

Syed Jaffar Alsagoff berpendapat lebeh banyak kaki2 meja di-tambah, lebeh tegoh pendirian-nya.

"Tetapi tentu-lah kaki2 tambahan itu elok di-buat dari kayu yang baik," tambah-nya.

Bellau berkata, sunggohpun Malaysia terbilang dengan balak-nya, mungkin banyak kayu2 baik yang terbiar tanpa sa-barang kegunaan, sedangkan meja maseh memerlukan pasak dari kayu baik yang tahan lasak.